

德壯果公年譜

德壯果公年譜卷十九

次孫花沙納恭纂

嘉慶七年壬戌

公五十八歲

正月十一日

公奏言

臣

前在巴州之劉家壩木耳巖等處痛勦苟文明

賊股該逆被勦畏懼宵夜狂奔日行一百三四十里總欲

竄遁入山苟延殘喘

臣

督率色爾滾武隆阿馬瑜等緊躡

跟追不予以暇沿途日有擒獲二十二日我兵趕抵漆樹

溝探報另有一股賊匪數百由茅坪竄來現屯榨井壩一

帶臣卽令色爾滾等帶領馬步兵勇分路追擊乘霧飛馳至關口坪見有賊匪二三百人在彼我兵傍山突出直前勦殺賊衆登時潰散立斃賊匪五六十名生擒夏有文等四十七名惟把總袁斌趕追殺賊猝被矛傷陣亡餘匪向亮埡子東竄又遇額爾登保派來協勦苟逆之豐紳等帶兵自桑樹坪抄來迎頭截殺又斃賊二十餘名餘匪爬山越箐四散竄逃復令色爾滾等趕緊搜捕又拏獲郝通等十三名訊據供各獲犯俱係王山餘匪前被官兵勦散共有一二百餘人並無頭目在內當卽分別辦理臣仍督兵趕辦苟逆二十三日至楊柳池探報苟逆已入開縣之馬家

殊批看此情形賊勢何

營老籌竄走姚成壩現屯關廟山一帶派有戰手數百人

曾窮蹙

圍攻姚成寨糧臺勢極危迫查姚成壩關廟山等處山高

路仄刻下冬令冰雪愈大馬力更難施展當卽飛派副將

李應貴遊擊李應元蒲佑盛都司汪漢等挑帶步隊趨捷

兵勇一千餘名連夜星馳前往救援該匪遙見官兵卽行先遁我兵乘勢趕追殺賊三十餘名生擒黃祿等十一名

逆衆向梨兒壩一帶東遁旋據解到獲犯黃祿等訊據供

稱苟文明日官兵將至帥苟朝獻總兵苟文舉等殺死無

人管事打仗商量逃進老山可以躲避官兵若官兵追進

山來我們就由老林內雞鳴寺或火山繞出大甯竄往湖

北等語查雞鳴寺火山等處俱係老山篠林該處北走卽太平之城口高觀寺東通百里荒黃墩在在可入陝境若出大甯之新田壩桐油壩又可直竄入楚正籌計間又據總兵薛大烈等稟稱奉額爾登保飭令帶兵前赴雞鳴寺貓兒梁扼據東面老山之路苟逆知該處已有官兵迎截折回梨兒壩並訊得逃出難民供稱苟逆又要出雲陽走陽橋三壩過湖廣去臣以該逆既有出雲陽之供則必由寒水霸向東出陽橋三壩恐一路跟追不但前無堵截我軍實難期其迅速與其前隊涉險受其牽綴莫若分兵前後兜剿較爲得力臣卽飭令薛大烈等帶兵協同李應貴

等緊跟尾蹤

臣遂由榷井壩譚家霸趕緊趨行二十八日

已至大甯之朝陽洞

業已抄珠批甚好

出加當灣

臣卽就近由奉節之紅池壩入山抄出大甯之

桐油壩仍可截其東奔入楚之路如該逆希圖竄陝額爾

登保現已移師由大竹河城口等處搜勦零匪兼顧陝境

即可備勦苟文明折竄毋論竄陝入楚務期根株盡絕迅

速蕩平以期戡定大局上紓

聖塵

臣頃又接賽沖阿溫春等來信自大甯桃木灣安葛山殲斃

劉朝選股匪極多擒獲活賊內有湯思蛟之妻傅氏僞總
兵李氏係王三槐之妻並探馬頭張陞李自臣黃漢義等

三名因首逆先逃由開縣之長流水連日跟追疊有斬獲
餘匪情急撲過東鄉前河奔上山梁遙見賊後已有官兵

截殺自上壓下係馬元由漁溪溝跟勦韓彭埢之賊追趕

株

批好

前來兩面夾擊立斃賊二百餘名生擒六十餘名餘匪無

幾從旁竄去賽沖阿等復督兵力追至梨兒埢該匪又與
彼處屯踞零匪一百餘人合夥向大秧田亮埢子逃去我

兵直追至黃昏計行已一百八九十里勢難再進查出殲

殺僞總兵胡斌楊大才二名因獲犯人多未能細訊已就

近解交東鄉縣訊明分別辦理二十日探知劉逆在新

甯潘家槽一帶兩路官兵趕上分投痛勦餘匪窮極四散

潛匿分兵於山溝密林內搜捕又殺賊無算訊據獲犯供稱劉朝選情急祇帶十餘人先逃賽沖阿等恐其遠颺連夜分兵巡邏拏獲十三名內有庶向瑤之子庶選正賊衆稱爲少師傅詢以劉逆下落亦稱各不相顧現在分兵五路搜捕並飛札各州縣飭寨洞嚴緊盤拏日內或已擒除亦未可定臣又飛飭各州縣一體搜捕矣俟劉逆一股勦淨賽沖阿等卽應回營但臣前准額爾登保來信李彬餘匪祇有百餘人苟文明路過洪口時已與合夥進山將豐紳等所帶兵勇二千餘員名撥歸臣路兵力儘敷勦辦惟東太雲開沿江一帶時有零匪出沒晝伏夜見四散摸椿

雖臣帶兵東行原可隨時搜捕無如兵來賊去兵去賊來勢難久駐窮搜遂致苟逆遠遁現已札致賽沖阿等令將劉逆辦完卽在開縣之何家壩榨金壩一帶逐處搜捕零匪茲復接據薛大烈等稟報苟逆自姚成壩山內又折向秀才口至梨兒壩與先竄在彼之唐大信王世虎各餘黨共六七百人合夥已北向青灣子奔逃臣思此時賊匪如果合併正好聚而殲除卽就近取道大甯之紅池壩入山自東而北相機截勦以期與薛大烈等夾擊掃擒

諭曰德楞泰奏勦捕苟逆情形所辦甚好該逆一股經官兵節次勦殺賊數已不滿二千但尙能派出戰手數百人圍攻姚成寨

糧臺設官兵馳救稍緩竟被攻破勢必裹脅寨民搶劫糧石贏
馬勢又鴟張不可忽視此股著專交德楞泰勦辦務當嚴飭薛
大烈等緊躡前進以期兩面夾擊一鼓殲除至賽沖阿追勦劉
朝選一股該逆至新甯地方祇帶十餘人潛逃自不值以大兵
專勦或委員弁搜捕或徑交地方官查拏首逆就獲仍係賽沖
阿等勦辦之功惟東太雲開一帶摸椿餘匪若不速行勦淨該
匪乘間裏脅必致聚成大股總當就地廓除無留餘孽所有陣
亡之把總袁斌著咨部賜卹

十四日

諭曰勒保摺內所稱賽沖阿等勦辦劉逆疊獲勝仗該逆僅帶十

餘人敗竄一節已據德楞泰奏過此時賽沖阿等正四路搜查
劉逆蹤跡因接德楞泰咨文卽帶兵向大甯一帶進發其薛大
烈一路連日在大甯太平山內探勦賊匪又經額爾登保調赴
雞鳴寺一帶在經略參贊自因苟逆一股賊數較多最爲緊要
是以調往協勦殊不思苟逆從前亦不過零星奔竄之賊伊等
視爲無關緊要以致該逆乘間裏脅遂成大股現在劉逆雖僅
十餘人窮竄其在大甯太平山內藏匿之賊亦屬無多但將賽
沖阿薛大烈等紛紛調去無人專辦安知其不又別滋勾結迨
苟逆辦竣而該匪賊數增多豈不復來一苟逆乎目前功屆垂
成豈可任其散而復聚總當遇賊卽勦餘黨悉除則首逆自蹙

正不必專注渠魁也

十七日

公奏言

臣

昨因總兵薛大烈副將李應貴等帶兵在姚成

霸關廟山趕勦苟文明賊匪該匪向青灣子奔逃

臣取道

紅池壩入山自東而北向湯家壩遏其東竄入楚之路恐

該逆狂竄直奔入楚卽帶兵趕行初一日入山抵紅池壩

初二日至木盤坪地方接據薛大烈等稟報探得苟逆由

開縣之雙河口鐘鼓溪竄走帶兵連日趕追二十九日該

逆冒雪折向偏坡嶺有走雪泡山之勢薛大烈與副都統

銜達斯呼爾岱副將李應貴張績等籌商分兵三路兜勦

達斯呼爾岱遊擊晉之連都司馬成林羅英等帶領馬步
官兵設伏於雙河口以截賊匪折竄之路李應貴遊擊李
應元蒲佑盛等帶領兵勇從左手而進抄出賊前以截雪
泡山之路副將張續參將羅聲舉遊擊胡定邦張拱辰等
帶領兵勇由右手而進薛大烈帶兵由中路相機策應迨
兵抵青灣子趕上賊尾有守後戰手數百人一見官兵卽
據險抗拒我兵奮勇直前槍箭齊發立殺七八十名時李
應貴等帶兵抄出夾擊又殺賊四五十名拏獲活賊張順
等六十五名賊遂折向偏坡嶺遁逃我兵追趕至炕香巖
路窄雪深賊匪擁擠不開兵勇刀砍矛戳痛加勦殺又斃

賊百餘有滾巖而死者有奪路自相截殺者驃馬滾巖及
截死者無數官兵乘勝窮追賊匪惟知狂奔並不拒敵沿

硃批好

途又復殺賊二百餘人生擒李相義等九十三名將賊衝

爲三起一起三百餘人向十里坪前竄一起七八百人走

小圍城朝陽坪而逃一起百餘人向西流溪遁逸薛大烈

等復分投追襲各路又共殺賊六七十名生擒劉學文等

五十九名各匪連夜冒雪奔竄計此次共殺賊五百餘名

硃批好

生擒二百餘名奪獲賊旗刀矛馬騾無數獲犯內訊出旗

手曹應功周山珍等二名查訊苟逆下落均稱該逆聽見

官兵殺來先行逃走不知何往又有張維吉等八名訊係

卷之二十一

李彬股匪被官兵勦散零星附入或稱李彬在內或稱自

行潛逃詰之曹應功等供詞亦屬游移是皆係頑梗不化老賊概行正法旋據各路探報該逆賊衆是夜俱竄至香

草灣聚集將騾馬盡行宰殺分割其肉各自背負裹帶向

黃柏廠貝母池老山遁逃沿途樹林內復有賊匪自縊死

者四十餘人逆在內否等語查黃柏廠貝母池老山叢密勢極險峻

絲長數百里絕無人煙冬令冰雪愈大馬匹萬難行走故

該逆被勦窮極盡宰馬驥以爲乾糧冀圖苟延殘喘該處

西北通太平縣屬之新開場濛濛溪又通雞鳴寺薛大烈

等酌派兵勇尾追親帶馬步兵勇由寒水溪走太平之雞

鳴寺礮坪抄出菜子壩紅花梁一帶迎頭截勦如該逆竄

出來山壩

臣

業已督率達勒精

阿色爾

滾武隆

阿豐

紳馬

味批

瑜蘇爾紳等帶兵趕至東面以截住

好

入楚之路設或北走

陝境經略額爾登保現由大竹河城口前進亦可就近探

勦刻下苟逆勢已衰殘故冒雪遁入黃柏廠老山連日大

雪未止天氣嚴寒山中百姓均歸洞寨不能擄掠且三面

俱有兵力兜截正是天奪其魄使之自投絕地仰仗

天威一經兜勦即可掃除淨盡初三日

臣

帶兵行至大甯屬之加

當灣又接准賽沖阿溫春等來信前在新甯潘家槽勦殺

劉朝選賊股因該首逆祇同十餘人潛藏分兵徧行搜捕

二十四日在老鴉沖搜獲賊匪姚成志等五名內有廣文
正一犯係廣向瑤長子訊稱與劉朝選同行至涼風埢地
方我暫躲在草窩裏他不知何往二十五日又搜獲賊匪
余宗貴等二名亦稱各自逃生不知劉逆去向均已正法
所有附近百里內外山林巖溝連日徧搜無影賽沖阿溫
春蒲尙佐等以全股賊衆搜勦已盡惟首逆劉朝選一犯
在逃不值以大兵搜捕被其牽綴臣查該逆祇同二賊在
新甯梁山界上之涼風埢潛逃卽飛飭梁山新甯二縣並
附近之達州東鄉大竹萬縣開縣速派幹練差役壯勇協
同各鄉團於所屬境內深山窮谷之中鄉場市鎮逐處嚴

密搜拏如能將該首逆搜捕獲者立卽奏請

恩慈獎勵黨敢視爲海捕具文一經別處拏獲究出由何縣潛匿

竄逸定將該縣查參並札飭總理知府趙秉淵遵照辦理

臣隨又飛移賽冲阿等卽帶兵先由開縣之溫湯井至馬

家營一帶搜捕零匪囑其留意樊人傑等首逆下落該逆

勢窮力竭不能隻身逃遁又不能聚集多人或附其內苟

延殘喘亦未可定並令其探明苟逆賊蹤黨由姚成壩原

路折竄又可迎頭截剿與薛大烈等收兩面夾擊之效

臣

緊顧東面現在帶兵由湯家廟後坪一帶進剿此次打仗

並無陣亡帶傷兵勇事機極爲順暢至苟文明賊股係

臣

奏明專交七十五勦辦緣其時

臣

在川楚界上分路趕辦

龍紹周大股賊衆正當喫緊之際兵力不能兼顧不料七

十五不能痛剿遂致該逆輾轉奔竄入甘七十五固有應

得之罪

臣亦難辭咎當卽專函額爾登保囑其與

臣聯名

奏請議罪茲准額爾登保咨來奏稿並札覆業已單銜具

奏臣愈切悚惶相應請

旨將臣一併交部嚴加議處

諭曰此次苟逆由開縣之雙河口一帶奔竄德楞泰卽催令薛大烈等分三路兜剿冒雪進兵先後共殺賊五百餘名生擒二百餘名賊勢潰敗辦理甚好著賞給德楞泰玉大吉四喜葫蘆牌

玉喜字搬指大小荷包至薛大烈達斯呼爾岱李應貴張續相
機追捕伊四人奮勇可嘉俟辦理苟逆一股完竣卽奏明再加
恩獎又劉朝選一股在新甯潘家槽地方潛藏賽沖阿等於山
林巖溝連日搜捕雖未能將首逆生擒而全股賊衆業已殲洗
無遺所辦尙好賽沖阿溫春蒲尙佐著加恩交部議敘並發去
玉搬指大小荷包小刀鼻煙壺各十件交德楞泰賞給帶兵出
力將弁其打仗兵勇均衝寒冒雪晝夜奔馳備形辛苦著發去
一兩重銀牌二百面五錢重銀牌二百面交德楞泰分賞軍營
出力兵勇以示鼓勵此時苟逆股匪被剿緊急勢已殘敗據稱
賊匪遁入黃柏廠老山自縊死者四十餘人苟逆或卽在其內

亦未可定卽該逆尙延殘喘然已自投絕地無食可掠又有三面兵力兜截正是極好機會自無難立就擒縛德楞泰務當督飭將弁奮力加緊勦辦斷不可再任他竄致稽顯戮統俟捷音馳到共膺懋賞至奏因七十五辦賊遲延自請嚴議德楞泰身爲參贊自應奏請但七十五業經加恩革爲兵丁此次德楞泰追勦苟逆調度有方歲功在卽所有自請嚴議之處著加恩寬免

二十五日

公奏言臣查各股賊匪均被各路官兵剿敗自知罪大惡極不敢投出自首惟百計希圖延喘因思巫大雲奉各州

縣濱臨大江未獲各首逆及老教賊目賊匪見勢已瓦解
萬無生理難保其不改名換姓三五散行假扮各色人民
乘間渡過南岸免脫逃生關係甚重臣當卽飛飭沿江各

州縣文武於渡江要津商賈船隻往來嚴密稽查盤詰萬
勿稍生疎懈致令賊匪狡詐莫測晝則不持長矛身藏短刀
及摺報文移因賊匪狡詐莫測晝則不持長矛身藏短刀
假扮客商或充探信兵勇往來貿販人等並洞寨居民猝
難分別每被擄掠夜則四出摸櫓遂致道路不通閭閻亦
受其累若不設法勦除淨盡勢恐日久人數日增如各著
名首逆久無下落者或在其內又復糾合成股則勦辦費

手而於大局更有關礙此時賊勢情形實與從前迥異川東空虛無兵賊匪零星滋蔓通道梗阻且苟逆輒轉奔逃總欲牽掣官兵乘間入楚臣一面另爲設法剿除零匪又

可兼顧東面與額爾登保遙爲聲勢況苟逆現已狼狽薛大烈達斯呼爾岱等帶領兵勇五千餘名跟追入山已獲大勝兵威又壯若臣大隊相機而進亦斷無以一萬數千

兵勇前後追勦此千餘殘孽而置楚省邊界各匪不顧之理且有經略督兵正在西北該逆斷不致有蔓延臣現又嚴飭薛大烈等務將此股賊匪趕緊掃除不可稍涉觀望如將苟逆殲擒就近卽解送經略大營查辦奏報又查近

來賊勢衰殘皆不成股數故總向無兵處所遁逃川東川北各洞寨雖有團勇時能截殺究不能賴以集事而各逆每聞大兵將到又皆瓦解四散無影無蹤

臣現擬由楚境

交界之八石坪自東而西分派將佐視賊之多寡酌帶兵勇分爲多路每路中以數十人在前引誘或扮團勇或扮行旅或爲難民或充零匪或附於洞寨或藏於林壑改裝易服使賊匪驟見莫辨庶能到處殲除設遇湖北賊衆或苟逆竟又東來

臣

均可併集兵力隨時勦辦如此變通籌

酌於勦捕可期迅速若仍以大隊兵馬搜捕我兵未

是批

到之先賊匪聞風遠颺晝夜趕追兵疲馬乏受其牽掣更爲遲

滯現在巫大奉雲零匪實多而又無兵勦辦

臣權其輕重

實有不得不爲之顧及者因卽於初十日由一盈泉取道

徐家壩前進至總兵田朝貴并候補道劉清勦辦張添倫

等股匪疊獲勝仗諒已就近稟報經略現聞該總兵已由

吳姚二壩有向南江之勢

臣亦卽札飭田朝貴務宜趕緊

勦除再近據川東川北各州縣稟報洞寨團勇於零匪竄

過時有殺賊三五名至二十餘名不等團勇中亦有陣亡

受傷者是辦理團勇事宜已有成效

臣均已隨時飭遵前

定賞格令各州縣逐一賞勵撫卹造冊彙報又接到賽沖

阿溫春等來信已帶兵至開縣馬家營一帶搜勦其時該

處業已無賊嗣據雲陽奉節稟報均有賊匪竄擾當卽就近帶兵前進途次探報勒保督同總兵張志林追勦一股賊匪六七百名由萬縣竄來恐其東逃卽前往協勦現在賊已西竄仍卽緊躡前進如苟逆南來自當先行迎截頃又接額爾登保來信在西鄉一帶勦辦李彬賊匪業將西北扼住查苟逆業已殘敗又有大兵跟追斷不敢竄陝臣現將川東零匪趕緊勦盡不但糧運無阻江岸無虞而楚界亦可肅清仍隨時確探苟逆賊蹤以冀速行殄滅諭曰德楞泰現因賊匪假扮各色民人乘間偷竊另爲設法視賊多寡酌派兵勇分路引誘使賊驟見莫辨冀得到處殲除此等

機宜祇期於勦捕有益德楞泰可隨時酌辦朕亦不爲遙制總之川東零匪專交德楞泰就近勦辦斷不可任其竄入楚境務於春內一律掃除不拘何股辦竣卽速馳奏不必俟川東全數肅清始行奏報也

同日公又奏言

臣承軍機處知照六年十二月十七日由

內賞出福字一張藍瓣花大荷包一對小荷包二對銀錢銀錠各二箇共貯一匣

臣卽敬謹祇領望

闕謝

恩訖

臣勦辦教匪迄今六載時當歲艱又未能迅卽蕩平仰紓

宵旰勤勞犬馬微忱無時不切惶悚荷蒙

優容格外異數頗頒

厚澤深仁有加無已茲當首祚喜來

天上之

福星願仗

吉祥立掃邊陲之妖孽下懷欣感慶叶戎行現在川東賊匪零星

散漫

臣

設法勦洗並探苟逆賊蹤以期迅速戡定斷不敢

以年節稍爲鬆勁亦不敢以草率致留後患惟有殫盡血

誠仰報

主恩於萬一耳

硃批勉益加勉迅速成功不可遲滯

二月初一日

公奏言臣前抵大甯屬之通城擬卽帶兵自東而西旋據各路稟報自湖北長峰竄來王曾戴等賊股二千餘人於十二月二十九日由火峰界嶺回楚又有一股賊匪千餘人係白號張姓爲首於正月初九日由火峰界嶺折回巴東又黃白藍三號餘匪七八百人不知賊目姓名十二日由巫山之龍泉寺一帶亦竄火峰界嶺吉林泰孫清元帶兵跟追已過湖北尙有一二百及二三百者兩小股在巫山之三溪河龍村一帶游奕又有一股賊匪約千餘人在巫山三匯鋪王家槽一帶屯紮屢窺縣城臣卽取道觀音

崖木瓜溪十八日趕抵西風埢賊知官兵到來先已東竄
三溪河我兵又卽抄出高家營值賊匪正自西來兜頭迎
截當殺賊四十餘名生擒彭世祥等三十七名口趕至巴
東之兩河口突見一股賊匪千餘人在兩河口左面山坳
圍攻洞寨我兵趕至山下見洞門豎立賊旗二桿該洞民
一見官兵齊喊救命臣恐係賊計詭譎卽將兵勇暫紮細
看情形實係百姓被因正當危急之際我兵自應先行解
救免其荼毒臣卽令豐紳帶同總管富登阿副將張良槐
等爲一路副都統達勒精阿總兵馬瑜等爲一路副都統
銜色爾滾武隆阿等爲一路臣帶領侍衛克什布巴哈布

副將達自祥等正在分布督飭間賊衆竟敢恃險下壓三
路將弁兵勇競進仰攻槍箭齊發復用大礮指定轟擊立
斃賊匪三十餘名生擒項朝富等十七名賊卽搶上山頂
參將馬濟帶領弁兵首先搶上賊倚恃陡險推滾亂石搏
擊如雨馬濟並千總萬士發把總石華貴戴應騫均被石
傷陣亡副將鄭啟貴奮不顧身率領貴州官兵冒石競進
搶上山頂衝入賊隊連射二賊該匪愈聚愈衆鏖戰一處
鄭啟貴挽弓不及卽奪獲賊矛力敵身受石傷二處矛傷
一處幸不甚重富登阿帶領索倫官兵步行繼上亂箭齊
發連射賊匪十餘名應弦而倒將鄭啟貴救出惟把總王

珠批好

占鰲朱之必外委楊正坤桂天元同時陣亡豐紳達勒精

味批好

阿等箭枝射已殆盡又殺賊一百四五十名生擒王世貴等三十四名帶傷賊匪甚多賊衆始敗向北逃

臣復督率

兵勇趕追二十餘里翻過石坪子大山沿途又殺賊十餘

名生擒陳益德等二十三名天氣已黑卽行紮營旋探該

逆已向興山之毛龍寨奔逃查毛龍寨一帶係從前徐添

德等所屯之地四面俱係箐林直通豐玉坪非走九道梁

卽奔房縣當訊獲犯項朝富等供稱此股賊匪是陳朝觀

二子爲首不知名字去年陳朝觀在陝西被官兵殺散逃

走不知生死祇贖二百餘人與曾芝秀合夥後復因口角

分開躲到興山巴東巫山山內摸樁破過幾處洞寨今湊
有一千餘人將張家洞圍住三日不想官兵殺來等語復
令於獲犯內指出偽先鋒徐得茂旗手李發並戰手陳益
德等四十三名概行箠割梟示其餘被裹未久難民王世
貴楊王氏等就近送交巫山縣省釋安插其彭士祥等三
十七名口亦卽訊明分別辦理是夜據哨探回稟三溪河
之賊由巴東兩河口折回巫山之龍村一帶距巫山縣城
八九十里又據逃出難民吳貴供稱此股賊匪係老黃號
並黃白藍青等號都是官兵打散零賊合夥並無元帥內
有陳宋沈三人爲首每起不過三五十人或百餘人總在

興山巴東巫山山內擄掠今聚有一千餘人探得巫山縣城兵少想要破城聞官兵來乘夜往湖北逃走不料官兵迎面殺來纔又轉到龍村等語查臣去冬督兵遠在川北

楚境賊情毫無見聞昨抵大甯時臣卽移咨吳熊光全保

長齡等將楚省近來勦辦賊股及賊匪現在何處賊數多寡各情形詳細移知至今尙未見覆現在查核興巴巫山

界上賊匪數股約計共有四五千人其二竹房縣等處有無賊匪刻下未能周知臣應卽帶兵過楚勦辦第巫山濱

臨大江城內兵備空虛勒保現督同賽沖阿溫春張志林等在梁萬一帶勦賊達州東鄉又有零匪肆竄勢難兼顧

此時雲陽奉節大甯巫山水陸運道難通若不就近將此

股賊匪掃除徑行督兵入楚不免有顧此失彼之虞若分

兵勦辦

臣

除撥賽沖阿及薛大烈兩路兵勇外存營之兵

並豐紳帶來兵勇共計不過五千餘員名其勢再難分撥

至藍號陳朝觀餘匪非北竄九道梁上龜則走房縣探聞

全保長齡

現

督兵在房縣之獅子崖堵勦

臣

已飛咨全保

長齡採明截擊並飛札飭查孫清元吉林泰等所追係何

股賊匪現向何處逃竄將一切勦辦情形詳晰具報以便

酌辦

臣

卽於十九日移師西來二十二日趕抵巫山之琴

樂坪探報折竄各號餘匪仍回龍村三匯鋪王家槽一帶

相距巫山縣城六七十里及八九十里不等

臣

擬卽分路

進剿務期卽行肅清再行督兵過楚其田朝貴所追張魏

賊股近據川北道李鋐稟報該總兵於十二月二十九日

在蒼溪白鶴觀等處剿賊小有失利恐賊勢又復鴟張江

岸緊要懇請撥兵協剿查田朝貴所帶貴州山西官兵及

鄉勇等不足二千未能痛加剿殺該匪總在蒼溪一帶游

奕而江岸寶關緊要

臣

查額爾登保一路兵勇除派撥楊

遇春帶赴江北外所賸兵勇恐難抽撥當卽札商勒保如

梁萬之賊無幾張志林一人足資辦理卽令賽沖阿等帶

領原兵馳赴蒼溪廣元一帶督同田朝貴併力勦辦張魏

硃批是

德楞泰之全討卷二
賊匪則江岸亦可無虞

諭曰德楞泰一路在巫山兩河口等處所殲零匪不過百數十名及三四十名不等而興巴巫山等處股匪竟有四五千人在彼屯聚勒保一路張志林等分剿之賊殲擒五百餘人而摺內稱奉節大甯等處均有賊匪或自楚省竄來或自老林竄出時出時沒往來滋擾是賊數又復增多辦理轉行棘手朕心深爲憤懣德楞泰係成都將軍勒保係該省總督俱在川辦賊有年非初到者可比所有賊匪往來熟徑及藏匿處所總在川境之內自應深悉乃毫無知覺而賊匪狡猾異常冬則憩息山內夏則潛出肆竄以逸待勞官兵轉爲牽綴豈伊等於用兵主客之勢

亦懵然不知耶看來老林伏匿之賊尙恐不止此數卽擒斬一二首逆而賊中又有號稱爲首者如陳朝觀之二子素未聞有是人今忽湊成一股勢甚猖獗以此而推則李彬湯思蛟等或亦在他處勾結餘燼復熾皆未可知目下情形竟是另起爐竈豈非前功盡棄耶經略額爾登保昨因苟逆竄回川北由伊撤回防江兵勇所致已革去伯爵雙眼花翎降爲一等男德楞泰勒保可不引以爲戒所有川東之賊著責成德楞泰迅速辦竣再往楚境其梁山新甯一帶勦殲餘匪著責成勒保及賽沖阿二人督率搜剿勿得再有遲延致干重咎副將鄭啟貴總管富登阿俱屬奮勇著存記俟再有出力之處奏明加恩其陣亡之

參將馬濟千總萬士發把總石華貴等俱著賜卹

初七日

諭曰現在王曾樊陳崔胡等逆四散分竄盡往巴東邊界長齡本
帶兵前往該處督同孫清元勦辦全保又與德昌王懋賞取道
興山前往巴東會勦而德楞泰又帶領大兵將入巫山境內雖
巫巴一帶賊股較多而兩處兵力不爲不厚合之鄉勇不下數
萬豈啻十倍於賊且德楞泰善於用兵聲威素著全保長齡俱
係年輕勇往孫清元德昌等向來打仗亦尚奮勉務當趁賊匪
竄集併力截勦爲一鼓殲擒之計斷不可令其深入楚境總當
儘此二三月內將興巴一帶竄匪一律勦淨毋得再有延宕

十二日

公奏言查老黃號并黃白青藍五號賊匪共有千餘人在巫山附近之龍村三匯鋪王家槽一帶屯住二十四日五鼓臣由琴樂坪分兵進剿令豐紳色爾滾武隆阿等帶領馬步兵勇由火峰界領遏其東折楚境之路臣督率達勒精阿馬瑜等帶領兵勇直趨三匯鋪已刻趕到距該逆知官兵分路兜剿先已起營向漢平鋪西逃臣卽督兵趕追直至八十餘里之馬埡口山梁殺賊十餘名各逆遂紛紛四散爬山逃遁當卽分投搜捕拏獲二十三名訊有被擄難民曾志才等九名戰手周太來等十四名均卽分別辦

理旋探該逆連夜向綠水天池前竄日行百數十里我兵連日緊追二十八日趕至奉節縣屬之草塘河探知賊匪散屯於張家村一帶臣當卽鼓勵兵勇乘夜直撲賊營豐

紳色爾滾武隆阿等帶兵前行

臣

督率達勒精阿馬瑜等

隨後策應五更時趕抵張家村各逆皆係占居民房東零

西散我兵略爲整頓黑暗中呐喊直衝賊衆登時驚潰亂

奔官兵扼住兩頭路口勦殺立斃賊八九十名生擒帶傷

賊匪劉聲遠等四十五名餘匪連夜逃竄天明後兵勇於

樹林山溝內搜獲賊匪竇福生等十一名訊據該犯供稱

係老黃號與黃白青藍五號被官兵打散零星湊有一千

一百餘人並無元帥是陳自得爲首本係青號探馬頭今
帶領多人想過湖北不想被官兵截住等語內有難民謝
發先等二十八名當卽照例省釋餘皆戰手一概正法該

逆向無路處翻越大山由青蓮河哨樓東坪壩北竄希圖

東折入楚隨又分兵抄出天池扼住賊頭該逆又被截回

屯紮李家壩_臣分股兜剿總不予以暇二十七日又趕至

馬埡口探有另起零匪六七十人伏匿老林卽派參將張

應貴等帶兵入林搜捕_臣仍卽督兵前進是晚據張應貴

等稟報殺賊呈繳耳記二十七副拏獲范星元等七名訊

係各股零賊亦無首逆均卽梟首訖二十九日該逆又由

龍泉寺西走兵至大堰塘據該處洞民稟稱山梁樹林內現有零賊三四十人晝藏夜出四處摸椿當令遊擊馬文斌等帶兵二百名同洞民前往該匪始猶抗拒被兵勇刀矛亂殺立斃十一名拏獲曹子興等二十六名祇有賊匪二名跳崖逃去訊係藍號陳朝觀餘匪初二日酉刻兵至大甯楊溪河探得陳自得等尙在水口一帶先令達勒精阿色爾滾武隆阿等帶領馬步兵勇星夜進剿臣督率馬瑜等於四更後繼進初三日黎明始抵水口賊衆業已進行達勒精阿等飛馳趕追至楊家溝地方賊衆正在紛紛躡過溪河經馬隊飛馳趕上槍箭齊發斃賊六七十名生

擒沈立本等十三名乘勝趕勦由劉家壩老鴉溪翻過寶
子大山又殺賊十餘名生擒章維樑等九名餘匪連夜向
奉節之七星霸乾溪口西竄訊據沈立本等供稱陳逆原
要逃過湖北連日被官兵截勦祇有五六百人要進山躲
避等語訊明均係老賊一概斬訖臣查陳逆等五號殘匪
輾轉狂奔於巫奉大甯深山之中連次追勦計先後擒殲
不過三百餘人其中附近難民有陸續逃出歸家者亦有
來營請票者故現祇賸殊批前大所奏四五千號今俱何往五六百人已西竄雲陽一帶惟楚
省賊勢昨據孫清元等稟報打仗情形內稱樊人傑同樊
二并王曾崔胡戴四等匪連次追勦未能東竄已逼入興

房一帶山內且查川東現在零匪實多若注意首逆而置零匪於不顧日久必成大患

臣

惟有一面趕勦陳自得等

賊匪並先將川東各處零匪搜

統計有若干

勦淨盡一面俟楚省續有

來信臨期酌量辦理其田朝貴勦辦張添倫賊股

臣前已

札商勒保令賽沖阿溫春帶兵前往茲已令遊擊羅思舉

等帶領鄉勇一千數百名協同勦辦頃接額爾登保來信

亦已派副將蕭福祿帶兵由通南前進是田朝貴一路刻

下兵力壯盛所贋賊匪數百名定可迅速掃除其苟文明

賊股薛大烈達斯呼爾岱等跟勦入陝額爾登保現又親

督官兵由西鄉扼住西北前進並札飭各路鎮將等探蹤

分投兜剿該逆祇有一千餘人數路官兵雲集卽日自能了結而李辛二逆又已先後生擒是川陝邊界指日可以肅清而川東邊界亦可次第洗淨至勒保與賽沖阿溫春等會合後現在梁萬一帶勦辦零匪屢次擒斬頗多是腹地不日亦已廓清卽有一二首逆在逃或無多零匪均可入於善後事宜分兵辦理

諭曰此次德楞泰在巫山一帶勦辦五號賊匪前後殲擒不過三百餘人卽賊首陳自得亦祇係青號探馬頭並非著名首逆是德楞泰在彼僅屬勦捕餘匪前據奏賊匪增至四五千人正深焦急今摺內稱川東勦贛之賊不過五六百人則德楞泰前奏

未免張大其詞此時五號賊匪向西逃竄若官兵徒事尾追於事何益德楞泰務當熟籌設法或分頭攔截以逸待勞或改扮鄉民使賊猝不及防得以乘機痛剿總期迅卽掃除不可令竄入楚境設該匪逸入川北或與張添倫合夥亦須分派將弁併力會剿德楞泰總應在川東督辦切勿捨而他往現在勒保已赴新梁所有川東零匪及陳自得等專交德楞泰辦理

十九日

公奏言竊臣前由巫山之馬埡口將陳逆五號合夥賊匪分路兜剿該逆輾轉於巫山奉節大甯山中疊被擒斬祇存五六百人始向七星壩乾溪口連夜西逃臣卽分兵西

追令豐紳武隆阿等帶兵由北面之上高坪遏其入山之

路臣督同達勒精阿色爾滾馬瑜等躡蹤前進該逆畏懼

軍威不分晝夜不由正路總向大山茂林翻越希圖繞進

老山均被官兵截住初六日未刻臣趕至大崖屋地方探

得該逆因在公坪掠食相距不遠臣卽督同達勒精阿色

爾滾馬瑜等帶領兵勇飛馳而進翻上山梁見各逆在彼

吆鑿逆衆遙見官兵直下山梁呐喊先逃馬隊疾驅追至

四五里始及其尾槍箭齊發立斃賊五六十名生擒謝國

材等十六名仍復力追二十餘里沿途殺賊二三十名生

擒葛時茂等七名餘匪向北海廟西遁天色已晚未便再

進訊明謝國材五名卽係本地被擄居民其餘均係戰手
一概正法初七日豐紳等帶兵至椿樹灣地方據該處寨
民鄭發先等報稱有零匪七八十人在此一帶擄掠暨見
官兵到來已進林內躲藏豐紳與武隆阿將兵勇分爲數
路進林搜剿該匪四散奔逃經兵勇趕殺斃賊三十餘名
生擒徐達先等十七名當經訊係老賊立卽梟示初八日
午刻抵凍綠壩探報右手白蠟槽謝家溝有西來零匪六
十餘人臣當令豐紳馬瑜等分帶步兵前往搜捕旋據呈
繳耳級二十七副活賊彭繼祖等二十一名餘匪向雲陽
之蘭溪逸去訊係白號打散餘匪欲尋另股合夥俱係從

賊日久殺人放火者當卽斬訖嗣探陳逆等知官兵竭力
窮追日行七八十里捨命狂奔由高陽過河向梁山萬縣
西逃又探得有自開縣竄來零匪二百餘人已入奉節境
內又據夔州府及巫山縣文武稟報巴東巫山交界江邊
之萬流一帶有賊匪一起又巫山之竹笆堡石羅溪地方
另有一起賊匪藏匿又巴東之大花巖亦有賊匪一起各
逆時或逼近江岸時或進山擄掠往來總在巴巫之間已
嚴飭文武密爲隄防等情臣查陳自得五號餘匪雖擒勦
無幾而被我兵追截沿途逃散者實多故現在祇牘三百
珠批汝未能追上故交付勤保辦哩情形與苟逆入陝相
餘人已向萬縣西竄勒保賽沖阿業於初五日會合後帶

明成化丙午年正月二日司馬公見此兵情耳可見長心無時不念
兵由開縣一帶東來探勦臣再四思維現在賊勢實與從

前迥異若

臣

卽西進窮追縱令該逆奔逃愈速自可趕辦

剿除然而巴巫界上又形空虛儻各逆聚而成股逼臨江

岸日久無兵勦辦所關尤爲重大是以

臣

遂卽東折巫山

一帶迎勦陳逆股匪亦可就近探勦湖北各逆並寄知勒

保等凡有東來之賊

臣

均可兼顧儻賊匪西去勒保等卽

當隨時迎勦是

臣

扼據其東勒保等遊兵於雲萬之間又

極爲聯絡庶兵馬不致徒勞於事實爲有裨

臣

卽於初九

日由雲陽之磁坪取道巫夔東下沿途復分派將弁四五

路各帶兵勇二三百名改裝換形隨處徧山搜捕

臣亦督

率豐紳達勒精阿色爾滾武隆阿馬瑜等由中心壩自北面江岸之東洋子龍洞王家梁朱家三壩一帶搜勦於十一日兵抵夔州府之下關城連日分兵搜捕每日獲賊數名或十數名不等均係正賊隨時辦理

諭曰德楞泰旣往巫山一帶所有川東各股零匪卽責成專剿固不得令其竄往川北尤不可使之闖入楚境至摺內稱巴東巫山等處又有三起賊匪或逼近江岸或進山擄掠已飭文武密爲隄防等語此三起賊匪究有幾百幾千並未敘明殊屬含混並著查明具奏前已降旨將川楚陝竄匪交額爾登保德楞泰勒保吳熊光等分界勦辦以專責成今四川一省又分爲兩路

川東令德楞泰督勦川北令勒保督勦分派兵力各辦各賊不必兼顧俟一處辦竣後再以得勝兵力彼此幫辦更易蕨事目下川省賊數無多尤不值以大隊官兵跟蹤追躡德楞泰係成都將軍勒保係四川總督惟當各擇一適中要隘地方駐劄以逸待勞督率勦辦庶官兵不致奔走疲乏再賊匪屢經招撫而投出者甚屬寥寥人情莫不愛生惡死何賊匪轉欲自蹈死地殊不可解其中或有別情德楞泰勒保不妨據實密奏

二十日

諭曰德楞泰現辦川東之賊原不責令帶兵赴楚督同籌辦但王曾等股或因被勦緊急復思乘間逃入川省德楞泰務當預派

鎮將前往迎頭截勦與楚省官兵兩面夾擊以期一鼓殲淨斷不可任其深入川東地界致干咎戾

二十五日

諭曰據額爾登保奏此次擒獲首逆李彬等係屬劉清之功已另降旨加恩前曾諭令各督撫責成地方文武員弁遇賊匪在境內竄匿隨時認真搜緝分別勸懲今四川道員劉清所帶祇係鄉勇並無官兵能將首逆李彬及辛文擒獲得邀獎賞可見地方官果能認真團勇實力偵捕竄匪自無從漏網地方官皆當以劉清爲法如能獲賊立功朕必從優陞賞現在川省新勇有從賊隊中投出之人如陝省亦有從賊中投出者果能幫同出

力亦當一體加恩著額爾登保德楞泰勒保等通飭地方文武
共知感奮齊心滅賊並將新勇投出效力一體加恩之處徧行
曉諭俾賊黨聞之爭先投出於勦撫更爲有益

二十七日

公奏言

臣前由奉節之下關城督兵前赴巫山於十二日

移師東進沿途仍分兵逐處搜捕途次天池正在駐營間
接據巫山縣文武飛稟昨夜二更時有東來一股賊匪數
百人在江東觜羅灘菜子壩一帶滋擾逼近城垣現在督
率兵勇施放槍礮轟擊共斃賊十四名賊始稍退尙未遠
臣查天池距巫山六十餘里傳令兵勇於二更後卽發

兵前進次日辰刻抵巫邑據城守都司袁陞侯署知縣徐

士林面稟賊匪黎明時業向王家槽東竄臣卽督率豐紳

達勒精阿色爾滾武隆阿馬瑜等帶領侍衛將領兵勇過

江東觜小河向東疾追趕至三匯鋪地方追及賊尾馬步

兵勇極力趕勦殺賊八九十名生擒倪金等二十三名訊

稱白號張元帥零匪各處湊合有七八百人探知巫山城

內兵少由十二峰南山裏出來不想被槍礮打回等語餘

無要供均係戰手一概斬訖旋探該逆折向西北之東坪

壠逃竄十四日仍督兵趕追至鴉鵲水又殺賊四五十名

擒獲毛尚德等十八名餘匪直過巴霧河北逃追我兵過

河該逆連夜由巴霧河之上游三十里又過河東向牯牛
窖觀音崖東竄非走琴樂坪卽奔木瓜溪均距界嶺不過
數十里臣原欲將川東邊界零匪勦淨或截令向西以清

東界若再尾追該逆勢必愈奔愈遠深入楚疆又據探報

巴東萬流等處尚有賊匪兩起而巫山南山十二峰一帶
亦有零匪臣再四思維必須設法由水路繞過界嶺直趨

巴東之萬流地方上岸自東而西兜截是以一面飭令在

巫山辦理團勇之知府方積周景福協同該縣趕辦船隻

味批此人好卽一面將兵勇撤回暫駐巫山城外之校場壩嗣探該逆

知官兵撤回尙游奔於琴樂坪一帶十六日據該縣稟報

味此好

就近已辦得大小船百餘隻核計足數二千兵勇裝載之
用臣令豐紳色爾滾武隆阿督同侍衛蘇爾紳明喜等帶
領馬步兵勇二千餘員名由巫山登舟順流而下臣督率

達勒精阿馬瑜等並巫山營都司袁陞侯典史彭震帶領
馬步兵勇二千餘員名由王家槽向南山十二峰前進十
七日午後豐紳色爾滾等抵萬流上岸齊隊卽進是晚趕
至巴東之馬家村探得張逆尙未翻過界嶺該處山內另
有兩起賊匪一股先於十五日向興山之羅坪北竄尙有
一股餘匪四五百人屯踞乾溝一帶山內已督兵自東而
西就近搜勦兜截次日趕至大小水口滴水巖地方官兵

突出直前勦殺立斃賊六七十名生擒章國才等四十九
名查訊係龔姓帶領線字號餘匪並無著名首逆內有附
近難民謝廷文等二十一名卽行省釋其餘賊匪均卽正
法餘匪不敢東逃遂另走大荒口西竄而白號張逆見線
號賊匪被勦西折亦由原路過巴霧河逃遁臣兵抵王家
槽查南山十二峰一帶均係零星散賊占住民房臣卽將
大營暫屯王家槽派令將領率同兵勇等改裝易服分路
到處搜捕由水田壩牛家槽向家院子徐家溝直至七星
鋪仙文鋪十二峰之下其中有十數人二三十人一處者
有五六十人成羣者各路兵勇分投搜捕次日共繳耳記

六十三副活賊曹樹德等四十七名奪獲馬驥牛驢刀矛甚多訊出本處土匪趙華廷等八名均係勾通賊匪擄掠之徒其餘均係積慣賊匪隨卽一併正法餘匪向水口西逃此時界嶺內外及北岸南山內均已全行搜淨又查南

珠批好

山十二峰一帶原爲完善之地向有洞寨而洞多寨少未能一律堅固各逆遁藏其中至今始行肅清

臣現飭袁陞

俟彭震乘此兵威卽令居民將糧石等項或運南岸或搬城內曉諭團集義勇互相守助以絕逆賊占踞之心並飭知方積周景福妥速查催日內諒可辦就豐紳色爾滾武隆阿等連日又將木瓜溪琴樂坪龍村一帶搜捕淨盡十

九日帶兵前來會合

臣卽令豐紳等仍帶原兵二千餘員

名緊躡賊蹤西追

臣

亦帶兵勇二千餘員名擬卽取道楊

溪河前赴大甯勦辦張子聰並苟樊二逆餘匪且聞總兵

田朝貴等所追張魏一股餘匪已奔開縣馬家營有東竄

之勢臣北趨大甯隨時確探亦可就近迎剿設或楚匪被

截入川而巫山大甯相距百餘里仍可酌量兼顧又查川

東地方遼闊鄰墾梁萬新達東開等處刻下零匪自數十

名至二三百名者頗多勒保賽沖阿共帶兵勇不過三千

員名在彼搜捕正關緊要其川北張魏等逆零匪無幾現

有道員劉清帶領鄉勇一千餘名在彼堵緝常有擒斬且

通巴文武辦理團寨極爲認眞而蒼廣巴南又已肅清無賊是以

臣卽札商勒保賽沖阿

仍將梁萬等處餘孽趁此搜勦不必急於北進想勒保賽沖阿亦必酌量緩急情形

辦理再

臣

從前查奏賊數除苟逆大股外三省中已無成

股之賊均係數百至數十名者游奕於川楚陝交界老山

之內近因

臣

督兵東下孫清元吉林泰等追勦入川賊數

頗衆所有現追之王曾崔胡戴四並樊陳二逆併合已有

四五千衆是楚匪實增於前但其中或有打散零匪附合

或日久又增據掠均屬事所必有總之目下賊勢遙見兵

至每不抵敵惟恃鋌險翻山鼠竄於巖溝草木之間縱分

兵四出搜捕曠野荒林擒拏有限迨兵去稍遠則又漸出湊集或遇零匪陸續併合遂又嘯聚滋擾且恐官兵突至四路分探留數十人或百餘人牽綴如在西則其衆竝已東逃迨至獲犯訊出真情賊蹤相去已遠一經追及又復如前其屯聚之處多係散聚民房又於路口高山瞭望我兵勦辦一處其他處之賊已聞聲先颶似此詭譎萬狀哨探稟報亦往往朝是夕非所以官兵行走未嘗稍息而擒斬不能如前其有三五成羣百十結黨者更難按股分追是以臣前與勒保面商令各州縣洞寨聚團分派佐雜管領並委道府分段總理近據派辦各處團寨文員稟報漸

能鼓勵寨勇設法邀截獲賊數名至二二十名不等雖未盡能衝鋒對壘然賊匪竄過終不敢肆意擄掠現已稍有成效至臣前此由巴東巫山界上截回之陳逆五號賊股

所贖三百餘人近於雲陽之蘭溪又合另股賊匪一百餘人西奔梁山忠州聞勒保賽沖阿等接勦已得勝仗此次攻撲巫城之白號賊匪七八百名臣繞過界嶺截回亦向

西北遁逃計兩次截回川境者已有二千餘名現在巫山以東至巴東屬萬流以西沿江北岸及山內賊匪全行肅清臣擬卽分兵西進趕勦白號賊股如遇零匪亦卽隨時勦擊並仍嚴飭各地方及辦理團寨之大小委員認真堵

禦以期節節有兵段段截勦迅速集事以刻下兵力而論

數倍於賊祇以地方遼闊賊蹤飄忽非兵力之不敷實追

逐之過勞至於調取新兵不但緩不濟急性尤不耐勞苦

不過虛糜糧餉陳兵雖連年奔馳稍形疲乏然而登山陟

險雨雪寒暑皆已習慣一經行陣其熟練勇敢之氣實足

深恃若再加之鼓勵無不躋健奮勉故能所向克捷況漢

北苟宋劉等逆不曰翦除又可騰出川陝兩省兵力以之

勦此敗殘遺孽不難次第廓清

諭曰此次德楞泰分飭將領搜勦川東教匪將界嶺內外及北岸
南山內藏匿賊匪悉數勦淨所辦尙好又據勒保等奏官兵在

大竹江北分剿賊匪統計前後殲擒之賊不過二三百名其餘散匪仍各分投奔竄看來川境現在俱係零星餘逆並無著名成股賊匪但所剿者俱係積久之賊狡猾異常且什伯爲羣自不值以大兵追逐德楞泰分遣將領搜捕并與勒保商令各州縣洞寨聚圍分派地方官管理不可徒託空言總須聯文武官及兵勇寨民爲一氣同心協力必能迅速蕩功況摺內稱刻下兵力數倍於賊無須添調新兵而陳兵熟練勇敢既足深恃德楞泰勒保務當加之鼓勵儘現有兵力上緊勦辦或設伏邀截或改裝哄誘總在臨時相度機宜設法籌辦朕亦不爲遙制

三月初七日

公奏言

臣

由楊溪河取道大昌探勦大甯山內之張子聰

並苟樊二逆各餘匪移師向西北進發二十二日兵抵大

昌接據大甯文武稟報張姓等兩股餘匪先後均已竄向

開縣境內有出山之勢查張姓等賊匪旣已竄出開縣而

大甯山內又無賊匪可勦應卽改道自東北向西南探勦

線字號併白號餘匪遂由水口龍溪河楊橋壩一帶前進

二十五日至奉節之竹園坪探報有一股賊匪約四五百

人屯於雲奉交界之板廠溪相距我營五六十里

臣恐賊

匪知覺卽於三更發兵星夜前進黎明趕至該處賊匪業

已起營向鳳凰頭大山奔竄

臣

督催馬步兵勇趕至得勝

勦遙見賊衆紛紛正在上山察看鳳凰頭山勢約高十五
六里陡險異常必須分兵旁抄後擊方能得手當今各營
捲旗暗進派達勒精阿馬瑜副將達自祥遊擊馬文斌等
帶領步隊兵勇由鳳凰山腳一路仰攻臣督率色爾滾侍
衛蘇爾紳總管富登阿副將銜馬應國等帶領馬步兵勇
繞上二臺坪從旁抄出詎該逆倚恃險窄膽敢憑高推滾
石擣死下壓我兵屹然不動槍箭齊施愈攻愈緊維時
珠批可嘉
臣之兵抄至二臺坪不遠已在賊旁馬瑜馬應國率領兵
勇冒石仰攻馬文斌亦奮勇競進賊衆見兩路官兵分勦
退上二臺坪地勢稍寬馬瑜馬應國等乘勢搶上達勒精

阿色爾滾富登阿蘇爾紳等帶領馬隊直衝箭射槍擊刀砍矛戳立斃精壯戰手三十餘名擒獲周朝富等六十四名兩路官兵趕緊追殺直至山頂有賊八九十名向南直奔雲奉溝逃走其餘賊衆過紫峽河上大面坡亡命狂奔適豐紳武隆阿亦自天池蒿枝壩追勦前來臣卽令該提督等帶同侍衛喜明總管富僧額副將鄭啟貴張良槐等率領兵勇向雲奉溝趕追旁竄賊匪臣督率達勒精阿色爾滾馬瑜等帶領馬步兵勇過紫峽河趕勦大眾之賊翻過四重大山沿途斬殺賊匪一百二十名生擒向於成等男婦二百三十一名口搶獲馬驃驢牛旗矛甚多直追

至雲陽之馮家營祇賸賊匪十一名驃一頭向上三壩北逃該處可通沙沱子馬槽壩大水田一帶時已天晚計日行有一百五六十里兵馬已乏卽於小神堂紮駐豐紳等帶兵由雲奉溝追剿旁竄賊匪趕至三箇包旋據呈繳耳記三十七副活拏楊友品等二十二名並馬驃旗幟刀矛解送來營據稱祇贖三四十人竄向奉節之香坪該處亦可由大水田馬槽壩而至沙沱子查雲奉各洞寨委派團勇素屬得力可期悉數殲擒隨令獲犯周朝富等於各逆內指出教首李國珍一名係嘉慶四年間臣掃除線字號賊匪時所獲教首李國清之胞弟又僞總兵余佐志唐大

高二名旗手趙思文王得勝二名李國珍之父李世漢子
名余佐志之嫂趙氏並其妹余么姑余四女前經正法之
探馬頭梁方義之妻張氏並稱元帥龔其堯在鳳凰頭山
已被亂軍殺死令取首級指認確實訊據余佐志等供稱
元帥龔其堯卽龔其位之三弟李國珍卽李國清之胞弟
李世漢卽國珍之父從前原有數千人自八石坪徐家壩
被官兵將龔其位李國清卜三聘等拏獲線字號一股全
行掃除所賸百餘人各自逃散後來陸續會合有七八十
人總躲在巴東興山巫山房縣老山裏又擄得四五百人
這營裏是李世漢李國珍父子二人管事龔其堯帶兵打

仗這一仗已殺完了等語卽將李世漢李國珍余佐志唐大高趙思文王得勝等六名割處死其戰手周朝富等一百七十九名一概正法其余佐志之嫂趙氏等與新近被擄難民共一百三十二名口均送交雲陽縣解交夔州府知府方積分別辦理又據哨探雲陽馬槽壩大水田地方現有一股賊匪人數較多或稱張姓尙未確切現在線字號餘匪四五十名諒必與之合夥臣擬卽就近分路移師勦辦又據辦理大甯團勇之總理候補道府鄭成基稟報委員從九品李志昉先後在寨溝野鹿窖太平寨率領團勇堵截零匪殺斃賊匪搶獲各色旗幟騾馬並救出難

民梁崇飛等多人知府趙秉淵稟報新甯開縣東鄉渠縣萬縣梁山各委員率領團勇均能截勦零匪自數名至二十名不等此次臣經過奉大見各洞寨寶皆堅固聯絡

團勇等時能截殺零匪臣

臣

俱面加獎勵並給以銀牌無不

歡欣鼓舞又接據建昌道劉清稟報已將首逆李彬生擒

餘匪洗淨是川省又將李彬及線字號龔文玉二起餘匪

根株翦盡其田朝貴蕭福祿等合剿張魏賊匪祇有三四

百人又由東鄉之南壩場折竄巴州之方山坪臣業又飭

催亦可卽日掃除

諭曰線字號餘匪竄至雲奉交界經德楞泰督率官兵旁抄後擊

硃批已有效音

該匪憑高恃險推滾擂石抵死下壓我兵屹然不動復分兩路
冒石仰攻乘勢搶上立斃精壯戰手三十餘名生擒六十四名
賊衆亡命狂奔復經德楞泰督同提督豐紳等分路追剿翻山
四重沿途斬殺賊匪一百二十名生擒二百數十名奪獲馬驥
器械甚多殊屬奮勇可嘉德楞泰著賞給大吉玉牌一塊四喜
玉搬指一箇鑲玉帶頭一塊大小荷包又發去大荷包五對小
荷包十箇雲玉搬指五箇象牙搬指套十箇磁鼻煙壺十箇著
德楞泰查明分賞出力之員弁等又一兩重銀牌一百面著分
賞此次出力兵勇以示鼓勵現在線字號敗殘餘匪尙有數十
名在逃而白號餘匪輾轉奔逃爲數較多難保不與合夥德楞

泰當趁此兵威督率各路官兵乘勝追擊上緊跟勦卽將線字
號餘匪及白號股匪一併翦絕根株統俟川省各股餘匪辦竣
奏聞與勒保一同優加懋賞此時德楞泰不可遽赴川北惟當
在川東暫駐辦淨巫巴兼顧楚境況川楚交界賊匪卽係應辦
之事不可拘泥前有分定地界之諭遂生畛域之見也

十五日

公奏言臣前在雲奉交界之鳳凰頭大山將線字號餘匪
龔其堯李世漢等勦盡後督兵西趨嗣據哨探雲陽之馬
槽壩大水田有賊一股人數較多當卽督兵由上三壩自
東北向西南進勦因沿途時有零匪出沒正可隨時搜捕

當派副將達自祥參將何君佐走沙沱子黃沙溪前進參將馬應國遊擊馬文斌由高峰觀前進參將張應貴遊擊楊登魁向萬家坪傅家壩前進各帶兵勇四五六七百名不等概用藍白布包頭打豎賊匪旗號不帶鍋帳各裹口糧分路搜捕臣督率豐紳達勒精阿色爾滾武隆阿馬瑜等於三月初三日行至開縣之高陽河達自祥馬應國張應貴等帶兵前後來營據達自祥面稟行至雙河口見黃沙溪一帶有零匪四五十人令兵勇前往合夥該逆正在游移間我兵猝加擒斬獲活賊蕭士緒等十三名割獻耳記六副據張應貴解到王三槐之弟王三林王三槐之

姪王世愷王世元並活賊張順等三十六名呈繳耳記二十一副又據馬應國等拏獲活賊張啟發等二十一名繳到耳記十八副共繳刀矛旗幟一百餘件訊據蕭士緒供稱係青號餘匪共有四十餘人並無頭領總在雲陽開縣山裏摸撈掠食今日見是我們的人來要去合夥不料是官兵把我們擒殺又據王三林供係王三槐堂弟哥子王三茂姪兒王世元王世愷自從王三槐被官兵拏獲送京後我們叔姪四人先隨冷添祿又隨符曰明到處竄逸他們被官兵殺了我們帶有七八百人各處擄掠屢被官兵勦殺王三茂不知下落如今祇有七八十人不想官兵假

扮我們的旗色到此就殺起來又據張啟發等供係藍號
陳自得的人被官兵連次剿殺祇贖三百來人又在雲陽
蘭溪地方合上白號田姓一百多人走到梁山忠州被官
兵連次剿殺祇贖得一百七八十人想仍到湖北去躲避
官兵搜進山來將我擒獲各等語查此次三路搜捕共擒
活賊七十三名呈獻耳記四十五副訊明後卽將王三林
鬪割示衆其王世愷王世元並蕭士緒張順張啟發等六
十五名一概正法其有附近被擄難民鄭家貴等八名卽
行釋放隨據探報白號張姓賊匪於初四日尚在四十八
槽之椒子坪上墳掛青初五日已向萬縣逃竄臣於初四

日五鼓發兵趕至萬縣之牛心寨探得該匪已向周家營一路奔竄距臣軍營六七十里隨令豐紳武隆阿等督同侍衛嘉明總管富僧額副將鄭啟貴等帶領兵勇二千餘名由東壩廠曾家山右手進發臣督同達勒精阿色爾滾馬瑜等帶領兵勇二千餘名由大地坪鐵風山前進均於二鼓發兵不料該逆先已起營官兵冒雨跟追至大水溪八角崖牛鼻子趕上賊尾分投衝殺賊衆爲雨淋漓各不相顧四散奔逃立斃賊匪八九十名生擒徐盛安李邱氏等男婦一百四名口又復力追四十餘里至千邱塝沿途又殺賊三三十名生擒陳開宗等二十三名口時已天晚

各溪山水漲發餘匪捨死撲河淹斃者實復不少遂翻東嶽山桐草寺一帶逃竄此次原擬竭力掃除此股餘孽不料雨大路滑未能痛加勦洗查此路左通萬縣右走開縣訊據獲犯徐盛安等供稱此股係白號張長庚之兄張長青弟張長生爲首要走大甯奉節一帶西逃等語訊明後將戰手陳開宗等八十三名卽行正法其餘徐盛安李邱氏等四十四名口多係巫山巴東難民均按名給予銀米路票遞送原籍查總兵田朝貴等所勦張添倫魏棒棒二逆均已殲斃尙有頭目顏中考帶領餘匪奔逃復被道員劉清截勦約贗二百餘人臣當飭令將張魏二逆首級就

近解交勒保查驗具報並飭該鎮乘勢趕勦務將張魏餘孽悉數掃除不可去而他顧其張子聰一股四五百名近據太平文武稟報在城口老山一帶游奕此外川東川北已無成股之賊所有零匪亦不過數十人至二三百人現有勒保豐紳溫春蒲尚佐張志林田朝貴劉清等分投勦捕自必易於辦理至臣現追之白號張長青賊股原有一千數百人昨被探勦及淹斃渙散外祇餘七八百人臣惟有趕緊勦殺一俟掃除後卽當移師東下巫巴冀與楚兵兩面夾擊使各逆不致有深入川東之患

同日公又奏言臣奉到二月二十日

諭旨以楚省王曾等股或因被勦緊急復思乘間入川著

臣

預派

鎮將前往迎勦與楚兵兩面夾擊以期一鼓殲淨又

臣

奏巴東巫山等處有三起賊匪或逼近江岸或進山擄掠

已飭文武各員密爲隄防其匪犯人數究有若干著

臣

查

明詳悉具奏

臣遵查巴巫之三起賊匪疊經

臣連次勦殺

尙屬無關緊要而近日楚境賊情實爲著重

臣等前所奏

賊股數目摺內祇准全保來文並孫清元吉林泰等所稟

具報緣其時遠在川北未能深悉嗣

臣帶兵東不以各逆

往來逼近江岸形迹可疑況南岸山內巴東建始恩施卽

首逆覃加耀林之華滋事之地恐各逆詭譖潛聚隨時留

心查詢風聞南北兩岸勾結之語當經選派幹練兵勇十
名扮作行旅前往歸巴一帶分投密探並卽詳晰密致吳
熊光等不動聲色慎密查訪先將北岸肅清在案臣昨將

線字號一股全行殲擒生獲首逆李世漢李國珍父子及
頭目唐大高余志佐等各犯均係起事老賊而又在楚日
久必知其詳細加研訊據供樊人傑等以南岸尚有伏而
未起習教之人會商同各號欲乘空搶船渡江因大兵到
來纔各分開逃走詢以各股賊情又稱白號崔胡戴四黃
號王曾等股共有四千餘人黃號樊人傑亦有一千餘人
與白號時分時合藍號蒲添寶一股係湊合陳朝觀之子

並李彬等餘黨共有二千多人青號王山併徐添德餘匪
如今亦有二千多人黃號龍紹周的賴先鋒劉總兵祇四
五百人他們總在歸巴興房老山往來臘月正月都在火
峰界嶺及萬流江邊一帶後聞將軍帶兵要來纔又分散
等語臣查該逆等所供楚境各匪數目幾及一萬實難憑
信是以摺內未敢遽行聲敘而臣前將攻逼巫山縣城之
白號張姓賊股擊退分兵由水路抄出巴東之萬流上岸
直至馬家村自東而西兜截時白號尙未翻過界嶺該處
另有二股餘匪一股先竄興山羅坪一股係線字號餘孽
被我兵截入川境此卽臣前奏巫山縣所稟萬流大花巖

石蘿溪三起之賊刻下線字號零匪首夥業已翦除陳自
得五號夥匪經勒保賽沖阿連次勦殺東竄雲陽之沙沱
子又被臣派搜山之參將馬應貴等截勦西向所賸一百
三四十人尾隨白號遁逃查白號係張長青張長生爲首
雖有千餘人昨被臣追至萬縣之水溝溪八角巖牛鼻子
等處已擒斬三百餘名無難刻卽掃除惟是楚省賊勢頃
據密差探報王曾崔胡戴樊各逆現有官兵跟勦東下惟
探有藍號蒲添寶一股二千多人已由歸州東竄其餘俟
確探再稟等語查前次李世漢所供經臣截回三起賊數
及首逆名目並現查出之蒲添寶賊股核對均亦相同則

其餘尙未探明者亦未必無因緣興巴地方在在老山箐
林各逆屯踞其中差探者祇據逃出難民或拏獲一二賊
匪所言半多不實常有不知賊數多寡爲首姓名者至於
南岸情形雖有傳聞究無形迹固不可稍涉張皇亦不可
竟置意外自應持以鎮靜不露端倪預籌將北岸勦淨則
南岸卽有未萌之蘖亦可潛消默化現在陝境祇有苟宋
李三股賊匪合計僅一千數百名聞額爾登保連次勦殺
已將苟逆轟出南山向興安一帶不日定可殲除臣業又
詳晰寄函與之密商囑其酌量情形或取道二竹督兵南
來或派得力提鎮分兵入楚臣卽由巫山巴東督師東進

加之楚省兵力分投兜勦三面環攻定能集事俟大股各逆辦竣再將三省兵馬仍遵前

旨分段駐劄搜捕零匪於戡定大局實可期其迅速

臣

現有兵勇

五千餘名若派鎮將分帶二三千名前赴邊界與楚兵爲

兩面夾擊之舉則該逆聞風必不西來我兵已東勢須深

入轉恐兵力見單

臣

惟將川東之白號張姓賊股趕緊辦

竣斯時額爾登保自必酌籌函覆楚省賊勢較緊

臣酌量

輕重或卽帶兵東趨或設法遙過賊前勦辦斷不敢稍分

畛域致負

主恩伏念我

皇上廑念軍務宵旰焦勞祇憑臣等各路奏報

指授方略第楚省現在賊情前次各路均未查出是以特降

諭旨令臣等分段辦理以逸待勞今臣旣已訊得賊供而又密探

得賊信該省賊勢又重且有南岸勾結之說雖未必皆確

亦斷非全無影響若臣諱飾前奏隱匿不陳則是天良喪

盡咎戾愈深所有遵查賊股數目及現在籌辦各情形謹

據實密

奏伏祈

訓示

諭曰此次德楞泰分派將領搜捕各處零匪多有斬獲所贖不過

數十人至二三百名不等現有勒保豐紳溫春蒲尚佐張志林
田朝貴劉清等分投追捕無難一律掃除惟白號張長青一股
尚有七八百人賊數稍多德楞泰務須乘其敗竄之時上緊截
擊剋期殲淨則川東川北即可全境肅清彼時德楞泰再酌量
情形探明楚省賊蹤何處緊要卽移師前往會剿以期迅速殲
事至另奏訊據賊供楚省南岸尚有傳習邪教伏而未動之人
此等習教未動匪徒原難保其必無亦不獨湖北爲然此時惟
有隨時隨地遇賊卽勦果能將成股之賊悉數殲除則伏而未
動者自必聞風震懾不敢再行勾結矣苟逆轟出南山向興安
一帶尚未據額爾登保奏到德楞泰惟當將白號張長青一股

迅速辦竣蹕盼捷音之至

二十一日

公偕勒保奏言查白號張姓股匪

臣德楞泰督率官兵在

大水溪牛鼻子等處大加勦洗餘匪尙賸七八百人向東

嶽山桐草寺一帶奔逃有竄走開縣之勢當派豐紳達勒

精阿武隆阿帶領官兵跟蹤追蹤

臣德楞泰督同色爾滾

馬瑜帶兵繼進該匪被追情急晝夜狂奔直竄至開縣所

屬兩河口一帶其時

臣勒保正由新甯移師東來探聞此

股賊匪竄近當卽派令總兵田朝貴參將張明德遊擊羅

思舉薛陞王忠桂等帶領備弁兵勇迎頭截擊

臣勒保亦

繼進策應初九日田朝貴等師次瓦子坪探得賊匪正在乾溪溝何家溝一帶分紮與我兵相距不遠田朝貴等卽帶兵連夜前進次日黎明行抵該境賊匪尙未起竄田朝貴當將官兵分路兜勦遊擊薛陞王忠桂帶領兵勇在左邊山坳埋伏參將張明德遊擊羅思舉守備劉寶元帶領兵勇由正路直下衝殺該匪見官兵猝至驚慌奔竄兵勇奮力圍剿立斃賊六七十名該匪向左邊山梁逃竄經薛陞王忠桂等從山坳衝出迎頭截住復斃三十餘名生擒四十餘名該匪折回右手山溝又被張明德羅思舉從山梁下壓該匪亡命奪路我兵前後圍殺復斃賊一百餘名

生擒一百餘名餘匪分作六七股或向東鄉所屬之紅沙嶺葫蘆霸或向開縣所屬之楠木洞機坪霸等處四散逃竄我兵分路追勦三十四里至五六十里不等沿途擒斬

甚多至晚收集兵勇查點共殺斃賊二百餘名生擒三百

殊批奸

殊批

十四名口內有僞總兵王學貴趙臣選二名旗手李先志等八名其餘或係戰手或係難民均暫交開縣收明聽候審辦搶獲賊旗三十一桿鳥槍二十二桿長矛三百四十

桿驃馬三十六頭匹餘匪約尙有三百人現在分投散竄臣等已飛札該鎮等仍卽探蹤追捕以期迅速殲淨至賽沖阿溫春蒲尙佐等前在溫湯井一帶正在探勦陳自得

餘匪適有白號張簡一股從竹峪關竄至太平東鄉一帶
經臣勒保督同總兵田朝貴等在老君場等處剿敗後餘
匪四五百人由楊柳關天池寺等處分路奔竄賽沖阿等
聞信當卽就近分兵迎剿賽沖阿帶領馬隊從新甯取道
抄截溫春蒲尙佐帶領馬步官兵向東鄉一路探剿初二
日酉刻溫春蒲尙佐等行抵上八廟地方賊匪正在山梁
高處望見官兵前來卽連夜折向三匯口雙河口一帶奔
逃官兵緊躡向雞公嶺平頭山涼埡子等處跟追兩晝夜
直追至侯家院該匪被兵追急分作二股一股約一百餘
人左竄柏木園一股約三百餘人右竄魚鱖溝溫春以右

竄之賊較多卽督兵間道抄出鐵爐溝趕及賊蹤該匪搶占梓潼廟山梁溫春等當將兵勇分作三路蒲尚佐率領參將沈洪遊擊賀廷印等帶兵由左手山梁迎截副將馬元參將李東山等帶兵由山下仰攻溫春帶領侍衛富僧德協領明德遊擊楊森曾受等抄出賊後兜擊三路官兵槍箭齊發立時斃賊二三十名賊匪翻山向靈官廟大龍門漆樹溝等處分投逃竄我兵四路追捕復斃賊四十名生擒二十三名奪獲賊旗刀矛等件至晚回至梓潼廟曹紮查訊活賊內有僞千總戴光月旗手黃盈松探馬頭李光華莫老么及戰手林清等共九名當卽正法其餘難民

袁文儒等十四名訊係脅從未久解交開縣遞籍餘匪四

竄溫春蒲尙佐等現仍探蹤進剿維時臣德楞泰與豐紳

達勒精阿武隆阿追剿白號張姓賊匪已至開縣所屬南

壩場臣勒保亦督同田朝貴等迎擊此股賊匪前來查該

匪既經官兵分投痛加斬獲馴賸餘匪現仍飭田朝貴等

緊躡搜捕臣勒保與臣德楞泰師行相近正當彼此會合

將川省現在賊勢兵力通盤籌畫分布勦辦並將一切應

辦事宜公同會議定局是以於初十日在南壩場相約會

合籌議各事

同日公偕勒保又奏言竊臣等節奉

聖訓指授機宜令

臣德楞泰督勦川東

臣

勒保督勦川北並以川

境均係零星餘匪不值大兵追逐飭令

臣

等會商分遣將

領督同地方文武迅速歲功伏查川省此時已無大股之

賊所有散竄餘匪自應分投搜捕以期淨盡惟

臣

德楞泰

昨在巴巫界上查探楚省賊股較多勢頗鴟張業經縷陳

睿鑒

臣

恭膺參贊合當統籌全局不敢拘泥前

旨專辦川東而置楚省於不顧但欲帶兵過楚必先將川省各事

宣與

臣

勒保籌議妥協方不致顧此失彼竊查川省現有

賊匪如白號張長青一股經

臣

德楞泰自巴東截回疊經

官兵痛勦所贖祇三百餘人其陳自得餘匪經賽沖阿等

等勦洗後約賸一百四五十人已與張長青一股合夥又
張簡一股前自竹峪關竄來經官兵連次截勦亦約賸四
百餘人又宋國品一股約賸二三百人以上四起均在東
開一帶分竄又張魏餘黨顏中考魏洪升一股經田朝貴
勦敗後所賸亦不過一二百人現在南江境內此外零星
散匪自一二十人至百十人藏匿各處山林出沒無定者
尚有數起統計川省現有之賊不及三千人均須分投勦
捕以期淨盡此時臣德楞泰旣欲督兵赴楚則臣勒保必
須兼顧川東川北現在豐紳已與臣勒保會合一路薛大
烈張績亦經經略額爾登保遣令帶兵回川原任提督七

味批是

臣德楞泰旣欲督兵赴楚則臣勒保必

十五及伊子武隆阿現在

臣德楞泰一路

臣等通盤籌議

夔門爲川楚門戶巫山大甯與楚省之巴房二竹處處毗

連

臣德楞泰帶兵過楚後恐各匪被勦情急折入川境必

須於邊界預爲設備堵截查七十五在川年久於川東地

勢最爲熟悉且兵勇素所悅服其子武隆阿向來打仗奮

勇

臣現令七十五武隆阿率領兵勇在巫山大甯邊界往

來巡哨既可就近搜捕各處零匪設楚匪被勦竄川即可

就近迎截夾擊至川北張魏殘匪現經

臣勒保派令遊擊

馬績恆慶會同建昌道劉清各帶兵勇趕緊搜捕諒不日

自能殲盡但該處界連陝境恐尙有餘匪竄逸川北未便

硃批甚是須防苟速由撫回川

空虛查豐紳爲本省提督向在陝境帶兵曾至川北勦賊於地勢較爲熟悉臣等卽令豐紳酌帶兵勇前赴川北於

廣南通巴等處往來巡防以顧川省西北臣勒保將薛大

烈田朝貴張績張志林等所帶官兵分作數路在東鄉太

平開縣雲陽萬縣等處一面將現有賊股分投勦辦一面

將零星散匪隨地搜捕臣勒保卽在各處殊批此非易事往來督催既可

將腹地趕緊肅清又可兼顧川東川北邊界設再有另起

竄匪來川當酌量情形賊少則分兵迎剿賊多則合兵併

擊臨時相機辦理至臣德楞泰現擬赴楚該省賊勢較重

必須多帶馬步官兵並得力之統兵大員前往方能集事

臣德楞泰一路官兵惟吉林索倫馬隊最爲得力吉林官兵向係賽沖阿管帶深得兵心人皆用命此時陝省賊數無多有經略額爾登保在彼督辦軍威已極壯盛賽沖阿批已旨不令伊回陝似可不必急急回陝至溫春蒲尙佐亦均係臣德楞泰一路向來帶兵得力之員茲將賽沖阿溫春蒲尙佐等並原帶馬步官兵一併仍歸臣德楞泰一路赴楚剿賊入楚後設將大股賊匪截入川境自應跟剿回川黨深入楚境另有賊匪分股竄川臣勒保當酌量分兵辦理至於臣等前此會議於巫山之大昌大甯之徐家壩太平之城口通江之竹峪關廣元之黃楊堡五處添設營制業經奏蒙

恩允在案所有各營汛衙署兵房爲官弁辦公及兵丁棲止之所
必須派委文員估計工程及時建造臣等公同商議所有

大昌營汛派委夔州府知府方積承辦徐家壩營汛派委

候補道府鄭成基承辦城口營汛派委候補通判李在文

承辦竹峪關黃楊堡二處營汛派委建昌道劉清承辦惟

新設各營皆在沿邊荒僻之地營制雖設若無城堡不足

以資捍衛查廣元所屬百丈關地方昨經額爾登保親履

相度地勢最爲扼要飭令該署縣葉文馥築立城堡刻下

業已完竣該處與黃楊堡相近十餘里且舊有巡檢一員

分駐所有新設黃楊堡一營請卽在百丈關堡內建造毋

庸另行築堡其餘大昌徐家壩城口竹峪關四處應築城
堡卽令承辦營汛各員一併估計卽日興工建築一俟軍
務嚴事新設各營官弁兵丁皆得棲止即可歸汛操防至
於各營新設兵額原擬以隨征鄉勇儘數挑補但恐鄉勇
不諳營制一時驟難鉛束臣等擬將兵勇對半搭配如城
口都司應設兵額四百名卽以二百名挑補鄉勇以二百
名將太平營舊有制兵就近撥補所遺制兵名糧卽以額
外新兵頂補其餘大昌徐家壩竹峪關黃楊堡四處均照
此一律辦理如此既可裁減新兵額缺又可使入伍鄉勇
有所鉛束漸習營規此外尙有隨征鄉勇請仍照前奏章

珠批是

程侯大功告竣後有願入伍者分撥各省營作爲餘丁
以次充補亦無難安頓得所

諭曰德楞泰帶兵赴楚一摺已於摺內批示矣白號張姓股匪敗
殘奔竄此次復經德楞泰勒保分投截擊殲擒數百名所辦皆
好現在川省餘匪不過二千餘人德楞泰與勒保會商將川省
應辦事宜交付勒保德楞泰卽赴楚協勦所見甚是前因楚省
賊數較多曾經諭令德楞泰於勦辦川東賊匪將次完竣時酌
量情形前赴湖北協同勦捕今德楞泰未經接奉諭旨見川省
餘賊無多既能統籌全局無分畛域並不拘泥前次分界督勦
之旨帶兵過楚正與朕意相合深得大臣公忠體國之道殊屬

可嘉著賞給四喜白玉搬指一箇珊瑚豆黃瓣大小荷包以示
獎勵現在湖北冉井二逆據吳熊光派孫應奉帶兵堵勦今尙
在興山歸州一帶游奕德楞泰自川赴楚必由該處經過卽當
順道先將二逆勦淨再赴竹谿一帶協勦樊崔王曾等逆楚省
賊匪中樊人傑爲積年老教最爲狡惡務須上緊設法將該匪
速就殲除餘匪自可漸次廓清可消伏而未起之患至賽沖阿
在川勦捕旣屬得力自當仍令帶領原兵歸德楞泰一路赴楚

二十九日

公奏言臣前因督兵西追白號張長青賊匪至開縣境內
與勒保會合將川省現在賊勢兵力通盤籌畫分布勦捕

並將應辦事宜公同會議定局正擬督兵東行接據田朝
貴稟報白號張長青餘匪被追情急直向東奔有走雲奉

之勢

臣

查東面巫大邊界無兵當卽派令達勒精阿武隆

阿及原任提督七十五等帶領馬步兵勇二千餘員名星

飛至萬縣由水路趕赴夔州府在於扼要處所確探迎勦

過其東竄之路

臣

仍由陸路搜勦零匪東進十五日申刻

行至雲陽之路陽三壩紮營後時已天晚哨探大龍池現

有賊匪三四百人滋擾相隔祇一大山梁當卽督同賽沖

阿色爾滾馬瑜等帶領侍衛將弁馬步兵勇趕前進勦翻

過山後將抵紅巖溝賊衆遙見官兵卽行狂奔當被馬步

兵勇疾馳追至白廟子斃賊五十餘名生擒賴大春等二十一名匪衆由畫眉埡西竄旋又被田朝貴等帶兵自傅家壩迎頭截殺斃賊二十餘名生擒何智雲等十五名連夜解送到營訊係宋國品股賊因開縣一帶兵多原要東逃不料被官兵打回餘無要供一概正法殘匪已由譚家壩奔向東開西北而遁查田朝貴所追白號張長青股匪雖向東逃而達勒精阿等所帶官兵又順流趕過賊前該逆斷不能竄楚臣卽飭令田朝貴等帶兵就近跟勦宋逆必須務淨根株不可令其他竄十六日據總理奉巫團練知府周景福等稟報有自楚竄入八石坪賊匪二百餘人

在白果寺龍湊子屯踞初七日經委員候補經歷龔元泰
激勸沙崆黃崆兩寨團勇首董曰康胡永順等帶領寨勇
截殺斃賊三名招出難民楊時貴訊係白號小頭目王姓
帶領餘匪向大堰塘東瓜山竄去又據夔州協副將富明
阿知府方積等稟報初八日奉節之康家橋推磨子突有
賊匪二百餘人竄來當卽飛飭防卡把總李林軍功劉繼
先孔貴等就近截剿一面抽調防兵三百名富明阿卽督
率署都司劉順等至九盤子直攻賊巢斃賊十名奪獲驃
馬旗幟刀矛等件惟把總李翠首先帶兵力追至山後密
珠批答部賜卹
箐中猝被戕害把總魏宗先力敵救護亦受石傷幸衆兵

勇趕到悉力勦殺又殲賊十餘名賊始敗走石馬河東竄
十二日又經巫山文武探知抽撥兵勇二百名派令外委
何進軍功朱得龍陶之純在羅門地方兜截斃賊五名淹
斃三名救出難民童洪漢等五名搶獲順刀鞋帽綢帶等
物復追至菜子壩不料溝內伏賊突出兵勇被圍軍功陶
之純身受石傷鄉勇內陣亡陳學仁等三名受傷者四名
把總許耀外委何進力戰殺賊三名賊始敗走柏子溪各
等情十九日臣行次奉節之乾溪口據達勒精阿武隆阿
等稟稱白號張長青賊股差探尙未東來惟就近之羊耳
山現有賊匪百餘人卽當發兵搜捕該逆見兵不敢接仗

卽四散亂竄經馬步兵勇分投力追共殺死四十餘名生擒金元等十八名追至龍溪河淹斃約有二十餘名祇贖二十多人翻山散逃訊係黃號零匪由巴東過川還有藍號二千多人聽見大兵到了先已東折獲犯訊明分別辦理迨臣兵抵夔州府之草堂河又據達勒精阿武隆阿七十五等稟報探得白號張長青股匪又與一起零匪合夥已至大冒屯住相距不過六七十里其時雨霧瀰漫卽連夜督兵前進天甫黎明大雨如注各逆俱在房屋內炊爨武隆阿七十五等同遊擊蕭太和都司楊正雄沈彪等帶領兵勇由右手傍山而進達勒精阿帶同侍衛珠爾杭阿

總管蘇清阿等帶領官兵由大路直進出其不意突加勦殺立斃賊匪四五十名賊衆向河岸撲水淹斃約有五六十人生擒七十餘名達勒精阿武隆阿過河跟追七十五帶領兵勇抄出後山自上壓下前後圍剿又殺賊三四十名生擒九十餘名餘匪四散奔逃兵勇分投趕捕又活捉男婦一百餘名搶獲騾馬五十七頭匹各營呈繳耳記五十三副賊旗二十三面刀矛二百五十七件獲犯內訊出張長青之妻李氏張長生之妻劉氏僞總兵張正魁之妻譚氏並探馬頭旗手李朝卿等三名訊據李朝卿及張李氏等供稱前在湖北被官兵趕回四川原有一千四五百

人沿途殺的散的很多走到開縣地方又被官兵趕殺祇
賸四百多人要過湖廣去前日有巴東來的白號王姓二
百多人合夥纔湊合了五六百人今日又被官兵殺的拏
的淹死的將要完了不知張長青是殺了還是跑了等供
捉獲賊匪差弁押解來營聽候查辦所賸殘匪不過百餘
人現經趕緊搜捕務期根株淨盡各等情又據前差楚境
密探回報有黃白青等號合夥賊股約有三千餘人由興
山龍池折回歸州之水田壩牛口一帶滋擾又有藍號一
股賊匪約二千餘人已過界嶺有入巫山境內之勢均無
兵勦辦其王曾崔胡戴等逆已向二竹一帶逃竄有三路

路官兵跟勦各等情伏查

臣

兩次分兵過楚截賊匪三股

入川共計二千數百人內除陳自得白號張長青兩股勦除各賸一百餘人其線字號一股前已全行勦淨川省現在已無成股賊匪所賸不過殘敗遺孽爲數亦不過數十人至一二百人不等有勒保督率各路將領分投勦辦而各州縣辦理團勇之委員等均能實力搜捕自可迅就肅清惟楚境歸巴合夥有數千餘人勢較鴻張而全保長齡孫清元吉林泰等三路官兵已向北追勢難顧及臣現雖移師至夔距歸巴賊屯之處相離五六百里不等該處距江岸不遠設有疎虞所關匪細必須設法自東兜截將楚

省歸巴一帶江岸先行肅清是以臣酌令達勒精阿武隆
阿七十五等帶領馬步兵勇三千餘員名今在川東一帶
搜捕零匪並防楚匪被勦入川即可與臣兩面夾擊現已

飭令夔州府方積署奉節縣知縣徐大椿雇覓船隻卽由
水路順流下楚又恐各逆驚而他颺擬令各營捲藏戰旗
每船豎打各省凱旋官兵旗號使賊疑爲川境撤兵自必
乘虛竄至臣珠批是兵從東勦達勒精阿武隆阿七十五等兵由
批是西迎均可痛加勦洗臣仰仗

天威一經勦擊自必立形瓦解次第殲除楚境若無成股之賊則
三省大局均可戡定矣

諭曰此次德楞泰派令將領沿途搜捕零匪及白號張長青一股
共計殺賊一百五十餘名生擒二百六十餘名淹斃五六十名
所辦尙好惟歸巴巫山等處有黃白青等號賊股約三千餘人
又有藍號一股約二千餘人相距江岸均不甚遠川楚邊界犬
牙相錯在在毗連賊匪朝川暮楚原無定向在川卽爲川匪在
楚卽爲楚匪德楞泰身爲參贊斷不可心存畛域現在旣由水
路順流而下抄出賊東自應遇賊卽勦先清江岸此時川省已
無成股賊匪所贗不過敗殘遺孽爲數無多有勒保督率將領
分投搜剿自可迅就掃除德楞泰如能將江岸之黃白青藍等
號賊匪殲戮淨盡仍當帶領勝兵卽赴楚北二竹等處協勦樊

人傑及曾王崖戴等逆俾楚境一律肅清跡膺懋賞再前據吳
熊光奏冉井二逆在興山歸州一帶游奕派孫應奉等前往截
勦曾諭令德楞泰由川赴楚順道先將二逆勦淨此次摺內何
未經提及竊近江岸之黃白青藍等號兩股是否有該逆在
內孫應奉等曾否帶兵前來及現在如何勦辦之處著德楞泰
查明具奏所有陣亡之把總張翠谷部賜卹